

永樂大典

卷〇三四五 陳字

卷〇三四六 陳字

卷〇三四七 陳字

卷〇三四八 陳字

卷〇三四九 陳字

永樂大典卷之三千一百四十五

九真

陳

陳師錫

宋史列傳。師錫字伯脩。建州建陽人。熙寧中。游太學。有

嚴神宗知其材。及廷試。奏名在甲乙間。帝偶閱其文。屢讀。屢歎賞。顧侍臣曰。此必陳師錫也。啓封果然。擢爲第三。調昭慶軍掌書記。郡守蘇軾器之。倚以爲政。軾得罪。捕詣臺獄。親朋多畏避。不相見。師錫獨出餞之。又安輯其家。知臨安縣。爲監察御史。上言。宋興。享國長久。號稱太平者。莫如仁宗。切考致治之本。不過延直言。御群下。進善退邪而已。明道中。親覽萬幾。見政事之多辟。輔佐之失職。自呂夷簡。張耒。夏竦。陳堯佐。范雍。晏殊等。一日罷去。寶元初。冬雷地震。用諫官韓琦之言。王隨。陳堯佐。韓億。石中立。同時見黜。其後不次擢用。杜衍。范仲淹。富弼。韓琦。以成慶曆嘉祐之治。願稽皇祖納諫御臣之意。以興治功。帝善其言。時詔進士習律。師錫言。陛下方大闡學校。用經術訓迪士類。不應以刑名之學亂之。夫道德本也。刑名末也。教之以本。人猶趨末。況教之以末乎。望追寢其制。使得悉

意本業。用事者謂倡為說。說出知宿遷縣。元祐初。蘇軾三上章。薦其學術淵源。行已潔素。議論剛正。器識靖深。德行追蹤於古人。文章冠絕於當世。乃入為祕書省校書郎。遷工部員外郎。加祕閣校理。提點開封縣鎮。建言銓法選人。用舉者遷升。而歲有定額。今請託者溢數而寒畯有不足之患。請為之限約。畿內將官。苛慘失士心。方大閱。群卒譁譟。將吏莫知所為。師錫馳至軍。推首惡者致諸法。按閱如初。而劾斥其將。縣人歎服。樞密院猶以事不先白為罪。罷知解州。歷考功員外郎。知宣州。蘇州。徽宗立。召拜殿中侍御史。疏言元豐之末。中外洶洶矣。宣仁聖后再安天下。喪國而治者。司馬光。呂公著。爾章。惇誣其包藏禍心。至於追貶天相。陛下發潛繼統。而惇猶據高位。光等贈謚未還。墓碑未復。願早據宸畧。以慰中外之望。蔡京為翰林學士。師錫言京與弟卞同惡。迷國誤朝。而京好大喜功。銳於改作。日夜交結。內使戚里。以覲大用。若果用之。天下治亂。自是而分。祖宗基業。自是而隳矣。京援引死黨至數百人。鄧洵武內行汙惡。搢紳不齒。豈可渾穢史筆。向宗回。宗良亦陰為京助。是皆國之深患。為陛下憂。為宗廟憂。為賢人君子憂。若出之于外。社稷之福也。帝曰。此於東朝有礙。卿為我處之。對曰。審爾。臣當具白太后。遂上封事。言自昔母后臨朝。危亂天下。載在史

冊可考而知。至於手書還政。未有如聖母。退抑譙遜。真可爲萬世法。而蔡京陰通二向。妄言宮禁預政。以誣聖德。不可不察也。詔索祕閣圖書。師錫言六經載道。諸子言理。歷代史籍。祖宗圖書。天人之蘊。性命之妙。治亂安危之機。善惡邪正之迹。在焉。望留意於此。以唐山水圖代無逆爲監。俄改考功郎中。師錫抗章言曰。臣在職數月。所言皆當今急務。若以爲非。陛下方開納褒獎。若以爲是。則不應遽解言職。如蔡京典刑未正。願受竄貶。於是出知潁廬滑三州。坐黨論監衡州酒。又削官置郴州。卒年六十九。師錫始與陳瓘同論京卞。時號二陳。紹聖中。贈直龍圖閣。東都事畧。師錫徽宗時召爲殿中侍御史。與陳瓘論列蔡京之罪。不見聽。遂求罷出知滑州。罷爲提點靈仙觀。以元祐黨籍。謫監衡州酒稅。遇赦。監潭州南嶽廟。會有妄言宮掖事得罪者。語連及師錫。削官貶郴州。累赦復官。卒年六十九。建安志。陳師錫浦城人。其先古籍建陽。自幼力學能文。父瀚嘗試以高祖設壇賦。援筆立就。且譏漢祖不能保全功臣。坐客皆驚。初調昭慶軍節度掌書記。即受知於歐陽文忠。蘇東坡。文忠作五代史。命公爲序。次知杭州臨安縣。東坡舉公自代。其辭云。有名賢之德行。追蹤古人。有西漢之文章。冠絕當世。召充監察御史。權殿中侍御史。大臣誣陷司馬光。呂公著等。乞復謚。

命給還其碑及論鄧洵武不當預編脩忤旨左遷東坡再舉充學問該博
可備顧問科除祕書省校書郎改工部員外郎乞補外知解州除宣州就
移蘇州徽宗初召除殿中侍御史蔡京兄弟方得君公力彈之乞正典刑
卞出知江寧落職安置而京獨留公復論京罪惡章入不報遷考功郎中
出知潁州移廬州除江東轉運使知滑州京既當軸編置黨籍中謫衢州
監酒逾年安置郴州宣和末復朝請大夫卒紹興初追贈左諫議大夫直
龍圖閣公前後章疏幾二萬言被詔旨追索災毀殆盡今存者止十五篇
叅政李光敘其首云當京執政幾二十年諫諍路絕卒之夷狄亂華生民
塗炭公言始效昔司馬溫公誌呂獻可墓稱其論列王安石於海內歸重
之時人主委任之際必謂明達先識已所不及伯脩可謂無愧於前人矣
宋名臣言行錄徽宗召師錫爲殿中侍御史時諫官御史專以犯顏嬰鱗
排擊奸邪爲職若論而不切則不能起人主之意辨之不早則不能折禍
亂之萌建中靖國初蔡京方爲翰林學士承旨雖明智之士未能知其必
亂天下也公獨慨然論奏條其過惡章凡四五上而不已後京遂爲執政
盡逐異己者固寵市權熒惑主聽握國柄者幾二三十年諫諍之路自此
塞絕卒之夷狄亂華生民塗炭公之言始效於此可不謂先見之明乎

陳經

宋沈氏三先生集故信陽軍羅山縣令陳君墓誌銘并序君諱經字公適其先平原厭次人曾王父堯王父象之始徙居汝州

世治經爲儒者君之考尚以家學進終駕部員外郎君少好學能屬文以進士起家爲蘇州廣濟主簿民有犯法坐死者獄已上府屬君攝令以其情應讞詢守爲理其死州從之得減死論囚亦自不知所以得免者人以此稱君恤親喪去喪除爲真州六合主簿六合真大邑多強宗挾吏勢市權養客令以下爲其俯仰君適到有吏慢詬于縣門之下君欲慘治之或以其過薄爭以謂民敢慢恆視其長上職根吏以爲姦今法不行於吏而獨恠民不畏法無義於是繫治踰月刑而後徇于市橫猾爲之縮氣會泗州盱眙令以疲不職廢本部擇可任劇者以君行而盱眙以治聞獄有久不校者君得其期擿以示之皆憚服無敢不情州部官長交薦君稍遷信陽軍羅山令乃開館延四方學者與之講學清談終日及殿課吏狀而羅山復在窮格居無幾以疾卒于其官享年四十君學人也於先王之業無所不悅其爲人仁而才居家得鄉人之歡姻族益親任于官則當劇處繁能以多爲約人信賴之壽不中身位不出吏部選方其無事亦無以發君之才且仁人所以之靳君者於君也何憾焉夫人徐氏生四男子曰審宇

察。案皆學于鄉先生。察爲宣德郎知湖州烏程縣事。率與賓興。鄉人賢之。熙寧四年。舉君之喪。卜于胸山之陰以葬。屬予爲之銘。予方病。彌旬不及。君之成事。於是徐夫人之祔也。乃卒銘焉。某與烏程同年進士。烏程允爲君子也。與予雅善。得予如烏程。宜且不朽。予則銘夫藏耳乎。銘曰。有丘如廩。有山如胸。賦茲忠人。作是吉居。彼強而落。曾謂弗溝。純莫予疵。豈不令壽。宅物惟夥。宅卜伊祐。匪騫斯威。信淑有後。

陳孝嘗

宋劉忠肅公集撰陳仲明差銘君諱孝嘗字仲明某生十年。皇考妣棄其孤。實鞠于外祖。父贈祕書監陳公。是時公

以疾退居東平里第。將沒。以劉氏孤屬其五子。某當竊自惟念親既不得而見之。終乃幸得諸舅從之。其庶幾乎其後長立。竊食于休。出處二十年間。舅氏之相次亡者四人。獨君一人者在。而以風痺卧家。雖然。每以事若告假過鄉里時。得拜其左右。瞻候其安否。語言相問訊。尚足以自慰。其念母罔極之意。而今又亡矣。當時之所從吾母之同氣。於是遂盡。嗚呼。其可不悲也哉。君公第二子。性謹孝。侍疾。執喪。能盡其志。與兄弟相友愛。交人有信義。少時讀書作文辭。尤刻苦爲詩。旁治鑿藥。陰陽之學。將葬。患葬師多拘。因自究其書。有所去取。以從事。無違于禮。尤喜佛書。通性宗。蓋有自

悟者。其論雖禪學老師。往往為屈。故恬夷安分。無慕乎外。初公為尚書屯田郎中。年六十得疾。求致仕。以恩任君。君曰。大人小疾。輕去。而為其子計。某未安也。公遂分司南都。曾祖諱咸。卿。祖諱肅。贈尚書戶部侍郎。祕書公諱希古。君娶馮氏。龐氏。子男五人。曰浩。曰湜。曰冲。曰淳。曰洵。皆學進士。浩冲嘗與計階。七女子。二已嫁。四幼亡。一在室。君之亡。實元豐五年七月三日。享年六十八。遂以其年九月二十八日。葬于鄆之須城縣盧泉鄉。先塋之原。合以馮氏。銘曰。嗚呼陳氏。遠有德祉。中嘗振顯。報施未侈。逮君之世。沒微弗興。而以孝弟。鄉里滋稱。學行恂恂。視其諸子。德後必昌。庶將在此。

陳鑄

莆陽志宋朝自熙寧以來。始詔卿監限負有缺則補。時郡人陳鑄。首遷光祿卿。鄉人喜曰。吾鄉有作卿者也。鑄歷知南雄州。潮

州。登州。所賜恤獄。其初書尚藏于家。蓋治平以前。凡任郡寄者。例皆以璽書賜之。同郡職方郎中翁彥升。歷守瑞州。梓州。亦霑是賜。其辭並同。鑄始以殿中丞通判福州。朝士以歌詩重其行。凡七十有二篇。蔡端明襄為之序。端明又有和鑄南州新詠云。無意孤吟探幽致。他時行橐定空還。

陳宗諤

皇川志宗諤字昌言。居州南龍津門。家世業儒。文筆高了。為鄉閭推敬。其家塾為養源堂。又有資深齋。生平著述。謂之養

源集。今猶存焉。湟川集中有記文。筆力尚可見。紫岩張魏公在。連日獨喜與之論文。其子南軒以兄事之。嘗為賦。養源堂詩。宗諤仕為瀧水丞。攝端溪令。所至有治聲。同寮有貪者。喻之曰。可下手矣。宗諤正色叱之曰。廩稍幸粗給。外此過求。何以為子孫地耶。後魏公入覲。有意擢用。人已云亡。惜哉。謝無逸。溪堂集。陳居士墓表。居士臨川人。字昌言。名宗諤。姓陳氏。兒時從鄉里老師學。日未午。誦千餘言。如建瓴水。兒曹皆卻步不敢比肩立。老師拊其背曰。汝其亢陳氏宗乎。先考即世。母夫人黃氏語其姑沈夫人曰。府君既從延翁遊於地下矣。茫然孤兒。豈能持門戶哉。沈夫人曰。此兒雖蚤慧。老師奇之。若宦學千里。吾兩人何以為生邪。吾聞忠孝不兩立。厚於其君而薄於其親。豈老師之意哉。於是謝老師而歸。居士於其家。居士出則治生業。入則奉甘旨。暇則誦詩書。雖巫醫卜筮。陰陽地理之書。無所不窺也。一日慨然歎曰。吾既謝老師。歸奉其親。又無良朋友琢磨。徒知句讀。何以書為。則又取圓覺華嚴般若諸經。反覆硃味。蓋將探諸佛之意。而求死生之說。於是禪師寶月穴居貴溪之巔。能以慧眼知人。善惡得於眉睫之間。人有隱惡。平生未嘗言者。一見禪師。莫不吐實。居士聞其風而悅之。晨狼走三百里至山下。攀藤蔓而上。拜禪師巖中。禪師命之坐。飲之以

茶熟視而笑曰。佳哉。若人。翼日昧爽。順下風而請願聞至道。禪師手書三頌以贈之。居士歸而欣然。有得色。於是沈夫人黃夫人皆棄養久矣。居士不復治主業。日與高僧逸民焚香燕坐。清談終日。殆不知世之有窮達榮辱毀譽悅憾也。晚年尤喜施惠。飢者哺之。寒者衣之。婚嫁不能成禮者。與之幣帛。死而無以歛其軀者。與之棺槨。然未嘗言之於人。而人亦不知其喜施惠也。曾大父諱漢昇。大父諱延德。父諱丁。娶吳氏。男彥輔。彥國。彥國應進士舉。壻吳澄。王懷張執禮。江公衡。元豐三年十二月甲申卒。享年四十。明年九月葬于靈臺鄉甘露原。初居士得疾。謂澄曰。吾疾必不起。死。生吾自知之。但兩兒尚幼。汝其助吾妻經紀其家事。遂面壁卧不語。七日而卒。卒時。顧視家人無可憐之色。豈非得禪師之道耶。後二十七年。彥輔彥國泣曰。先考捐館舍時。吾兄弟兩稚子耳。故其葬也。不克求賢士大夫之文納之壙中。遂使先考之德湮滅而無聞。執事其為我書其事。將刻石以表其墓。庶幾來世有攷焉。余曰。居士之德。修於宗族。信於鄉黨。其子又賢。必能大其門戶。豈待小子之文。然後傳來世哉。然非此無以慰孝子之思。於是敘述其平生而繫之以辭。其辭曰。人生一世間兮。俯仰其猶百年。居耿耿其無聊兮。悼乃心之不宣。孰知彼蒼之不與謀兮。或壽跖而夫顏。曷不

從巫咸而卜筮兮。著龜告子曰。其道則然。伊宰上之木已拱兮。刳草宿而露寒。望夫君之未來。蹇孝子兮。其無永歎。

陳師道

宋史文苑傳

師道字履常。一字無已。彭城人。少而好學。苦志。年十六。蚤以文謁曾鞏。鞏一見奇之。許其以文著。時

人未之知也。留受業熙寧中。王氏經學盛行。師道心非其說。遂絕意進取。鞏與五朝史事。得自擇其屬。朝廷以白衣難之。元祐初。蘇軾傳堯俞。孫覺薦其文行。起為徐州教授。又用梁燾薦為太學博士。言者謂在官嘗越境出南京見軾。改教授潁州。又論其進非科第。罷歸。調彭澤令。不赴。家素貧。或經日不炊。妻子慍。見弗恤也。久之。召為祕書省正字。卒年四十九。友人鄒浩買棺歛之。師道高介有節。安貧樂道。於諸經尤邃。詩禮為文精深雅奧。喜作詩。自云學黃庭堅。至其高處。或謂過之。然小不中意。輒焚去。今存者財十一。世徒喜誦其詩文。至若與學至行。或莫之聞也。嘗銘黃樓。曾子固謂如秦石。初游京師踰年。未嘗一至貴人之門。傳堯俞欲識之。先以問秦觀。觀曰。是人非持刺字俛顏色。伺候乎公卿之門者。殆難致也。堯俞曰。非所望也。吾將見之。懼其不吾見也。子能介於陳君乎。知其貧。懷金欲為餽。叱至。聽其論議。益敬畏。不敢出。章惇在樞府。將薦于朝。亦屬觀。延致師

道答曰辱書論以章公見屈年德以禮見招不佞何以得此豈侯嘗欺之邪公卿不下士尚矣乃特見於今而親於其身幸孰大焉愚雖不足以齒士猶當從侯之後順下風以成公之名然先王之制士不傳贅為臣則不見於王公所以成禮而其敝必至自鬻故先王謹其始以為之防而為士者世守焉師道於公前有貴賤之嫌後無平生之舊公雖可見禮可去乎且公之見招蓋以能守區區之禮也若昧冒法義聞命走門則失其所以見招公又何取焉雖然有一於此幸公之它日成功謝事幅巾東歸師道當御歟既乘下澤候公於東門外尚未晚也及博為相又致意焉終不往官顧時蘇軾知州事待之絕席欲泰諸門弟子間而師道賦詩有嚮來一瓣香敬為曾南豐之語其自守如是與趙挺之友壻素惡其人適預郊祀行禮寒甚衣無綿妻就假於挺之家問所從得却去不肯服遂以寒疾死宋名臣言行錄陳無已一字履常事其文集序今見左方彭城后山居士

陳師道無已苦節厲志自其少時蚤以文謁南豐曾舍人曾一見奇之許其必以文著時人未之知也元祐中侍從合薦于朝起為徐州教授除太學博士言者謂當官嘗私至宋謁眉山蘇公改教授潁州紹聖初以進非科第而罷退居彭城者累年復教授州入祕書省為正字以卒實建中

靖國元年也。未仕。貧無以養。寄其孀婦氏當權者。或召見之。顧非其好。不往。此豈易衣食者哉。在穎賦六一堂詩。有向來一瓣香。敬為魯南豐之句。而太守則蘇公也。其罷而歸彭城。家益窮空。至累日不炊。妻子慍見而不恤。諸經皆有訓傳。於詩禮尤邃。為文至多少。不中意則焚之。存者財十一也。世徒喜誦其詩文。乃若與學至行。或莫之聞也。謝克家撰文集序。項在廣陵。秦觀少游為僕言彭城陳師道履常者。高士也。其文妙絕當世。而行義稱焉。陳履常居都不踰年。未嘗一至貴人之門。章子厚欲一見終不可得。中丞傅欽之侍郎孫莘老薦之。軾亦掛名其間。會朝廷多知履常者。故得一官。古藤郡志。陳后山師道亦常遊此。故山谷曰。閉門覓句陳無已。對客揮毫秦少游。二子不知飽風味。西風吹淚古藤州。晦菴續錄。陳無已趙挺之邢和叔皆國大夫。婿陳在館職。當侍祠郊丘。非重裘不能禦寒氣。無已止有其一。其內子為於挺之家。假以衣之。無已詰所從來。內以實告。無已曰。汝豈不知我不著渠家衣耶。却之。既而遂以凍病而死。謝克家作其文集序中有云。篋無副裘。又云。此豈易衣食者。蓋指此事。又云。后山差克郊壇上官。其妻以寒。故不可無重綿。遂於其姊夫趙挺之家借一綿襖歸衣之。后山問何從得之。妻謂借趙家物。后山惡趙之為人不衣。止衣一綿。

往竟以寒得疾而終。謝任伯作墓誌所載不明。此豈可不白於後世也。卻掃編魏昌世言陳無已平生惡人節書。以為苟能盡記不忘。固善不然。徒廢日力而已。夜與諸生會宿。忽思一事。必明燭繙閱得之乃已。或以為可待旦者。無已曰不然。人情樂因循。一放過則不復省矣。故其學甚博而精。尤好經術。非如唐之諸子。作詩之外。他無所知也。黃氏曰抄陳后山先生居都下。逾年未嘗一至貴人之門。章子厚欲見之。終不可得。傳欽之薦公者也。以其貧懷金欲餽之。意不敢出口。先生之高行若此。而世獨稱其詩何耶。豈世之知公者淺耶。抑詩亦賢者之累耶。此錄名臣之言行備焉。近思錄諸儒之講明詳焉。彼此參驗。環循閱習。以其行稽其所言。以其言進其所行。晦菴之望後學。學者其庶乎老學菴筆記秦會之跋後山集。謂曾南豐修英宗實錄。辟陳無已為屬。孫仲益書數百字詆之。以為無此事。南豐雖嘗預修英宗實錄。未久即去。且南豐自為史屬。為有辟官之理。又無已元祐中方自布衣命官。故仲益之辨人多是之。然以予考其實。則二公俱失也。南豐元豐中還朝被命。獨脩五朝史實。許辟其屬。遂請秀州崇德縣令邢恕為之用。選人已非故事。特從其請。而南豐又援經義局。辟布衣徐禧例。乞無已檢討廟堂。尤難之。會南豐上太祖紀。叙論不合上意。修

五朝史之意寢緩未幾南豐以憂去遂已會之但誤以五朝史為英宗實錄耳。至其言辟無已事則實有之不可謂無也。又陳無已于豐詩亦可喜。鼎以道集中有謝陳十二郎詩卷是也。建災中以無已故持命官李鄴守會稽來從鄴作攝局鄴降虜豐亦被繫縶而去無已之後遂無臣江左者豐亦不知存亡可哀也。張偁拙軒初藁跋陳后山再任校官謝啓駢四儼六持應用文耳。前輩直曰世間一種苛禮過為謹細陳無已任徐州校官曰出境送東坡知杭州詩云一代不數人百年能幾見好事者造謗無已處之如平時略無詘色而嚴名行乎天下此豈眎得失而為變動耶。至其再任又曰昨緣知舊出守東南念一代之數人而百年之幾見又曰使一有於先顛為兩塗之後悔此尤見無已之終不渝其守也。噫今豈有是事耶。舊見人說東坡好收拾士類而士類樂為之用集云代人作豈知無已者耶。

陳亢

京口耆舊傳亢字退叔金壇人少讀書以父疾不任家事乃請於師東書歸養殖貲治產家用饒衍而勇於為義不吝施予家

居邑南地多沮澤古速瀆久淤壅水為災率眾築堤延袤十許里以便行者而浚瀆以通洮湖水患遂息熙寧乙卯歲大饑明年疫傾家之儲粥餓

藥病晨夜必躬所活不可勝計不幸死者具衣襁收葬又數千百人嘗自以少時爲養廢書課子弟學尤力一夕大雪往視則二子寢矣亟呼之起曰吾不彊汝以書汝宜出道上遇行者則歸以告二子奉命出門十里遇販夫負魚而趨二子問雪寒何自苦曰負販吾業也一夕不行則生理躓矣二子感悟歸而自勉晨夜不休亢亦獎勵有方雖衣服飲食之間皆有品節及彥明爲監司度陞朝亢尚無恙累封朝散郎而彥明之子城亦擢進士第餘孫數上名禮部亦有已命官者福祿之盛世所歆艷蘇公軾嘗有帖云退叔今年四十五而有四子兩人已登第守官其叔耕且學其李游上庠藝業精甚有男女孫十四人玄孫之孫古人所不知若陳君者當見所不知何人也鄉公浩以序送其孫塘試禮部亦云金壇有君子人焉今以承議郎致仕其少時不出戶庭而環千有餘里若寒饑急難失所賴以無虞數十年間不知幾人仁義之教飛馳東南是生二子皆文高學博趙操堅正甫冠登第盛年即顯又稱其諸孫之賢謂承議之德厚積而發三世矣老子曰天道無親常與善人於承議見之蓋浩作序時亢已封承議矣大觀元年卒年六十八亢二子曰彥明白度諸孫之著者曰城曰塘曰璚曰璘玄孫從古兄弟之子曰序孫曰案

陳彥明

京口耆舊傳彥明年十七與鄉貢中熙寧九年進士第主
句容簿再調長社令辟江東運司主管帳司改秩知吉水

縣改楚丘縣古芒碭也盜發坐繫者百人一夕乘守者急脫械持兵欲殺
令而肆掠人情恟懼彥明不為動徐部分吏卒格鬪獲其為首者斬以徇
餘悉就擒民以按堵郡將拘文初其專殺朝廷釋不問賊黨散處山澤時
時唱言以撼居民彥明募致其尤桀黠者并囊橐之家破除之一境大治
提刑羅適以治水自任至縣欲有所為彥明知無益即抗言曰此白圭之
術也適慚而去除都水監主簿遷北外丞以職事入奏哲宗察其才諭以
行召用矣大名帥決河入澶州故道以紓魏患澶人大恐公為之增堤浚
防水入無患兩州以安出知處州歲饑賑救有方移廣東路轉運判官時
同列多以獻羨財進用彥明曰財民力也有羨當還以及民可剥民以為
己利乎奏罷徐揚所興錢監民以為便汰假版吏以保任法選用士類外
選為清就移本路提點刑獄禁雷公淫祀以正風俗罷度嶺置關以示無
外召還篋中無南物丁內艱服除授廣西路提點刑獄未行改利路予告
東歸大觀四年卒年五十五有詩文雜說合三十卷子城字伯成入太學
升內舍中元符三年進士第主海鹽簿知錢塘丞丁艱知真州楊子縣未